




京師坊巷志

ル 5

3237

4



門 儿 5
3237
卷 4



京師坊巷志卷七

義烏朱一新
江陰繆荃孫同撰
吳興劉承幹重訂

外城亦曰羅城明嘉靖三十一年築周二十八里有奇

門九一統志明其街衢之大者南北曰正陽門街永

定門街崇文門街宣武門街東便門街西便門街東西

曰南大街自廣渠門直達廣寧門互十餘里隨地異名具詳於後南橫街打磨廠

西河沿花兒市街會典事例參宸垣識略

外城中城

城冊外城地隄隸中城者中東坊第一鋪東至長巷

京師坊巷志卷七

一 求恕齋

昭和十六年
六月六日
購求

上二條衙衙南至鮮魚口小橋西至正陽門街北至城根二鋪東至東河沿蕭公堂深溝口南至三里河橋珠市口街鐵山寺與南城界西至長巷下頭條衙衙後營北至鮮魚口梯子衙衙三鋪東至小蔣家衙衙鈔手衙衙南至珠市口街與南城界西至正陽門街北至豆腐巷十間樓北蘆草園中西坊第一鋪東至正陽門大街南至珠寶市北至城根西至西河沿關帝廟觀音寺楊梅竹斜街與北城界二鋪東至正陽門大街南至珠市口大街與南城界西至觀音寺前與北城界北至珠寶市三鋪東至永定門大街南

至永定門口西至石頭衙衙與北城界北至清風巷火神廟西與北城界

正陽門外大街

俗稱前門大街跨護城河有橋登以文石中爲馳道南有坊顏曰正陽橋迤南直達永定門街其北傍月牆者東曰荷包巷西曰帽巷

高承埏鴻一亭筆記正陽門前搭蓋棚房居之爲肆其來久矣崇禎七年成國公朱純臣家鐙夕被火於是司城毀民居之侵占官街棚房壅塞衢路者金侍御光宸上言窮民僦居無資藉片席以棲

身假貿易以餬口其業甚薄其情可哀皇城原因
火變恐延燒以傷民今所司奉行之過概行拆卸
是未罹焚烈之慘而先受離析之苦也且棚房半
設中途非盡接棟連楹若以火延棚房卽毀棚房
則火延內室亦將並毀內室乎疏入有旨停止
吳偉業讀史偶述詩布棚攤子滿前門舊物官窰
無一存王府近來新發出剔紅香盒豆青盆 香
祖筆記鐙市初在靈佑宮稍列書攤自移於正陽
門大街之南則無書矣 燕石集四方進士來試
南宮者率僦居麗正門外 明一統志南城兵馬

司在城外正陽街

東河沿井一

步軍統領所屬南營守備署在南有奉新浮梁句容
諸會館迤東隸南城踰河爲正陽門外東城根有朝
陽閣明建乾隆閒重修置粥廠於此東有橋玉河水
出水關後徑橋下入護城河詳水道

坊巷衚衕集正東坊自正陽門東河沿至崇文門
外西河沿入牌四十鋪有蕭公堂崇眞觀天慶寺
慈源寺清化寺有西三里河東三里河蘆葦園

案三里河蘆葦園見後蕭公堂以下諸寺觀俱詳

南城

戲子市

迤東歧為東河沿打磨廠二衙衙打磨廠詳南城

肉市

北小衙衙井一

宸垣識略查樓在肉市明巨室查氏所建戲樓巷

口有小木坊書查樓字乾隆庚子燬於火今重建

藤陰雜記京師戲館惟太平園四宜園最久其

次則查家樓月明樓比年如方壺齋蓬萊軒昇平

軒最著語見亞谷叢書此康熙末年酒園也查樓

木榜尚存餘皆改名大約在前門左右

鮮魚口

有帽市迤東曰小橋有南康會館北小衙衙井一

迤西抵大街有魚市

布巷

井一

有布市

鈔手衙衙

或作手
帕衙衙

有吉安二忠祠為吉安會館

藤陰雜記二忠祠在鮮魚口吉水人祀文信國李

忠肅邦華忠肅甲申殉節於吉安會館即此舊聞

京師坊巷志卷七

四求恕齋

考稱在城內文信國祠未確柴市一祠未聞作吉安會館此祠又名懷忠會館丞相祠堂邊華泉聯句花外子規燕市月柳邊精衛浙江潮趙甌北翼有謁祠詩今兩遭回祿門榜徒存 案祠今已重修忠肅殉節當在內城舊聞考之言不誤邵長蘅作忠肅傳言十八日賊破外城公移宿吉安會館文信公祠下詰朝內城陷亟奔大內門閉不得入歸館投繯而絕考甲申小紀十八日薄暮賊蟻傳正陽崇文二門十九黎明守城璫開正陽門迎賊是時寇騎充斥忠肅如寓外城安能奔至大內況

懷忠會館在信國祠旁夢餘錄載其地甚明信國祠在柴市不聞在外城也郡邑會館例祀鄉賢一忠祠蓋景慕遺徽而作不必定爲殉節之區戴說固矣

南北孝順衚衕

北衕衕井一有長沙會館

羅篩衕衕

長巷上下頭條衕衕

下衕衕井一有涇縣南昌汀州江右豐城諸會館舊有武林會館今廢

京師坊巷志卷七

五求恕齋

上下二條衚衕

有臨江浦城武陵諸會館舊有廣豐會館今廢

梯子衕衕

上下三條衕衕

有長吳金谿臨江南城諸會館舊有元寧涇縣會

館今廢

扁擔衕衕

翅膀衕衕

上下四條衕衕

有岳陽上新新城樂平休寧金谿南昌諸會館舊

高廟

有貴池德興南雄諸會館今廢

關帝廟俗稱高廟廟有嘉靖閒鼎一蓋建自明代

也有常德會館舊有蕪湖會館今廢

鸞慶衕衕

鸞或作鸞

有襄陽粵西會館

高井衕衕

井一

舊有武寧義寧進賢武河諸會館今多廢

大小始興衕衕

始或訛為施

深溝口

巷西隸中城東隸南城舊有江山會館今廢

花園

紅佛寺

堂子大院

翔鳳衚衕或作牆縫

舊有瀘谿會館今廢

大小崇真觀

崇真觀明瑄張政故宅也今其地以觀名迤東為

興隆街詳南城

慶雲庵

北蘆草園井一

中城吏目署在北有神廟

元帝廟

東蘆草園

靠山衚衕

北橋灣井一

巷東隸南城有安國寺舊有南泉寺今圯互詳南

城

中蘆草園

蘆草園坊巷衚衕集之蘆葦園也蓋前代積草之

地故其北草廐諸衻衻皆以是名 宸垣識略吳
越王錢鏐祠在蘆草園雍正二年敕封誠應吳越
武肅王其裔孫世章勅建 明桂萼文襄集正陽
門外東偏有古三里河一道東有南泉寺西有玉
泉庵今天壇北蘆葦圍草場九條巷其地下者俱
河身也高者卽舊碼頭 案南泉寺見南城三里
河玉泉庵互詳後又元世祖於文明門外東五里
立葦場歲收葦百萬以募城至文宗有警用諫者
言因廢此葦止供內廚之需歲役市民修補事見
析津志蓋元築都城以土不以甌也文明門今之

崇文門志言場在門東五里其遺趾固未必在此
然可知南城之有葦場其來久矣明時亦於臺基
廐收蘆葦神木廐收蘆席見明水軒日記

南蘆草園

有武寧京江會館

南跌子衻衻

大小西竺庵

驢尾衻衻

大小席兒衻衻

大衻衻井一有玉泉庵有石埭德化廬陵會館

冰窖衙衙

有乾泰寺康熙三十九年重修有唐縣漳州浙甌
建寧平鎮諸會館

前營

後營

十間樓

花鍼衙衙

炕洞衙衙

豆腐巷

大蔣家衙衙 井一

有旌德松江吉安貴州諸會館舊有韶州會館今
廢

冰窖廠 井一

小蔣家衙衙

有河東平陽晉翼旌德諸會館

西河營

弔打衙衙

羅家井 井一

翁氏家事紀略雍正十一年八月十六日方綱生
於正陽門外所居羅家井向北井開做屋

高跳衚衕

瓜子店

有估衣市

果子市

東珠市口大街

卽南大街并三管理街道御史署步軍統領所屬中營守備署俱在南有東珠市汛乾隆初中營游擊駐此後省有天津南康會館迤東爲三里河詳南城

右在正陽門街東三里河北橋灣深溝口西東珠市口三里河北其東南皆與南城界

西河沿

南小衚衕并一迤西有萬壽關帝廟廟東隸中城西隸北城并二正乙祠康熙五十一年建關帝廟明建俗稱纛旗杆廟并一有蕭山渭南代州諸會館皆在北城界內舊有如泰會館今廢西河沿之北爲南河沿又北踰河抵城根爲北河沿俱詳北城北河沿近正陽門者曰貫市

汪琬鈍吟續稿京師豐臺西河沿皆與同人習游者病中追賦病懷衰骨兩支吾記得年時臥酒壚借問河邊攀賸柳也應憔悴似人無 魚洋集同

人集河樓下詩下直經旬髮不梳河樓高會翦春
蔬已喜綠蒲藏睡鴨更燒紅燭射游魚玉河楊柳
見飛花露葉煙條拂狹斜十五年前曾繫馬數株
初種不勝鴉 今白華堂詩錄公讌諸同年詩自
注西河沿之祿壽堂戲席最盛 坊巷衚衕集正
西坊自正陽門外西河沿至宣武門響閘橋東六
牌二十四鋪有延壽寺雲峰寺觀音寺雲居寺萬
善寺擡頭庵 案雲峰寺無考延壽寺今屬北城
洪家書鋪順治十八年縉紳在此出賣
排子衚衕

大有地藏庵有江夏鳳陽會館

三府菜園 井一

大小衚衕一

珠寶市

西小衚衕有銀市

廊房頭條衚衕

有鐘市路南小衚衕曰高家衚衕井一

人海記永樂初北京四門鐘鼓樓等處各蓋鋪房
店房召民居住召商居貨總謂之廊房視衕僻分
三等納鈔若干貫洪武錢若干文選廊房內居民

之有力者一人簽爲廊頭計庸納錢鈔斂銀收買
本色解內府天財庫交納以備宴賞支用今正陽
門外廊房衙衙猶仍此名

二條衙衙

有小衙衙一

三條衙衙

有臨汾會館

大柵欄

二有小衙衙曰門框衙衙

大齊家衙衙

小齊家衙衙

王皮衙衙

有仙城會館

蔡家衙衙

施家衙衙 井一

有青陽廣德會館

掌扇衙衙 井一

雲居寺衙衙

有雲居寺

溼井衙衙 井一

有真武廟

甘井衚衕 井二

有穎寧會館

錢大昕潛研堂集東曹習庵詩甘井汲泉宜勿幕
官園種菜自為鄉自注子寓官菜園上街習庵寓

甘井衚衕

車輦店

今名教子衚衕有觀音寺

糧食店 井一

有火德真君廟

右在正陽門大街西煤市街東西珠市口大街
北其西與北城界

煤市街 井一

有漳郡贛州會館

藤陰雜記高安朱文端公第在煤市街今為旅店
查禮銅鼓書堂集移居宣南坊詩注今歲夏就
任農曹正陽門煤市街舊有老屋數椽湫隘不足
容井爨 王友亮雙佩齋詩集有荔林移居煤市
索贈詩 案荔林名彝憲金陵人

煤市橋 無橋

楊梅竹斜街 井一

有和舍西西會館舊有會同四譯館乾隆十三年省

藤陰雜記楊梅竹斜街梁文莊公第清勤堂前藤花汪文端公有詩萬柘坡光泰館此修三通又嚴海珊刺史遂成貽詩云滿架藤陰史局中讓君一手定三通又青乳軒以寓王中書穀原又曾文莊告養歸里又曾送詩藤陰假館年華晚潞水抽帆別思頻文莊終養來京於此宣麻旋卒於位今久改旅店藤花尚茂車過時猶及見之

觀音寺街

有寺北小衚衕一

小李紗帽衚衕

翁氏家事紀略乾隆十六年遷居正陽門外李紗

帽衚衕

朱家衚衕

豬毛衚衕

石頭衚衕

有天仙宮準提庵有望江龍巖會館

王廣福斜街 井一

有汾陽新建會館

大李紗帽衚衕

火神廟夾道

有蠶桑局忠義局

留守衕

衛俗訛尉明制京師有留守衕或其遺址也有高

安會館小衕衕曰羊毛衕衕

清風巷

柏興衕衕

有同善煖廠

小椿樹衕衕

有漳浦會館

小馬神廟

有六聖祠

翁氏家事紀略又遷小馬神廟內之小巷

大馬神廟

翁氏家事紀略乾隆五年遷正陽門西大馬神廟

右在煤市街西石頭衕衕路東西珠市口大街

北其西與北城界

西珠市口大街

卽南大街井三中城副指揮署在南有西珠市汛迤西柳樹井井一北有萬善給孤寺傳云劫自唐貞觀閒疑卽坊巷衞衞集之萬善寺也東偏爲關帝祠有津南潞安穎寧奉天九江平定翼城仁錢廬州孟縣諸會館又有越中先賢祠旁爲眼藥庵北小衞衞曰給孤寺夾道舊有望江會館

京城古蹟考晉陽庵有古銅大士像下有款識云大唐貞觀四年尉遲敬德監造後移受水塘古佛庵庵壞移嵇山會館今浙紹鄉祠是也內有眼藥庵供銅大士左右列善才龍女亦銅像然並無尉

遲監造字而銅質古潤法像端嚴洵是舊物 紀昉閱微草堂筆記京師花木最古者呂氏藤花宅後售與高太守兆煌又售程主事振甲藤今猶在其架用梁棟之材始能支柱其陰覆聽事一院其蔓旁引又覆西偏書室一院花時如紫雲垂地香氣襲衣 藤陰雜記給孤寺東呂家藤花刻大德四年字商寶意詩萬善寺旁呂氏宅滿架古藤翠如織鐵幹誰鐫大德年模黏辨是元朝植今屢易其主藤尙無恙 又李文貞光地第在西珠市口有夾輔高風賜額賃宅尙是後人 又陳澤州廷

敬初寓宣武門東街與李湘北少宰比鄰乙丑除夕移青藤館新居詩五春三度移居日桃梗椒花總閉關新齋詩莫道幽居小樓頭十萬家青藤館晝睡詩汗簡紛難就青藤蔓許長又有六友齋玩月詩簡西鄰給孤寺主詩定在珠市口西今莫攷矣

板章衚衕 井一

有平定會館舊有分宜西安同安諸會館

散樗老人自記年譜乙丑遷板章衕衕

養羊衕衕

花椒營 椒或作枝亦作棉花營

九曲灣

牛血衕衕 血或作油井一

高箭街 俗訛高臺階

有巴陵會館

前後校尉營 井二

靈佑宮 佑或訛聖

舊為十方道院旁有天仙廟迤南曰壇根有藥王廟

人海記鏡市舊在東華門外今移正陽門外靈佑

宮旁至期結席舍懸鐙高下聽游人縱觀蓋京師
坊巷元夕不放鐙也 查慎行敬業堂集鳳城新
年詞纔了歌場便買鐙三條五劇一層層東華舊
市名空在靈佑宮前另結棚 藤陰雜記今宮前
絕無鐙市陳澤州有至日陪祀同王阮亭靈佑宮
早起詩今天橋宮觀悉爲諸王齋宿之所又陳其
年有同人集靈佑宮會飲詩 案施閨章學餘堂
集有天仙宮尋徐善長詩

般若寺衚衕

翁氏家事紀略乾隆六年遷居般若寺衕衕

鷓兒衕衕

中城正指揮署在北有浮山平介會館舊有徽州

會館今廢

大小燕翦衕衕

燕翦亦作演箭

趙錐子衕衕

蓮花玉河

廚子營

斗姥宮

康熙三十四年建地以宮名東有眞武廟西有仁
壽寺舊爲昭顯廟

任家頭衚衕

大小喇叭衚衕

小衚衕曰明開夜合衚衕井一

韭菜衚衕

窮漢市

亦稱補拆市拆或作陳井三小衚衕曰大小眼鏡

衚衕

永定門大街

北接正陽門大街井三有橋曰天橋橋西南井二街

東井五東南則

天壇在焉西則 先農壇在

焉農壇之南觀音寺井一明崇禎時王應魁所鑿以
濟道暘者又南里許有佑聖庵

春明夢餘錄神樂觀在天壇內之西 藤陰雜記

天壇道院即神樂署昔為讌游之地馮大木廷榭

神樂觀送同年之官詩尺五天邊春晝晴同游南

陌麴塵生客來彌勒龕中坐詩向桃花潭上成胡

南茗會恩道院看牡丹詩碧落清虛人罕到春林

詰屈馬偏諳又有道院祈雨詩齋宿即事詩乾隆

七年因游人雜沓奏禁栽花拆毀酒肆至今不植

花卉惟古松尚存 卷菴閣集偕同人飲天橋酒

樓詩過橋春五里登閣樹三重風轉闐聲沸塵將
游騎衝鶯花憐震蕩衣袂競織穠咫尺郊壇外春
雲總似龍 孫爾準泰雲堂詞集小寒食宿雨初
霽蹋青至天橋登酒樓小飲穉柳清波漪空皺綠
渺渺予懷如在江南村店矣樓額曰杏花天因倚
聲書壁 野獲編京師最重午節天壇游人極盛
聯鑣飛鞚豪門大估之外則中官輩競以騎射爲
娛蓋皆賜沐請假而出者

右在西珠市口大街南板章衚衕東永定門大
街西東與南城界西與北城界

外城東城

城冊外城地隄隸東城者崇南坊第一鋪東至東便
門南至東河漕西至崇文門大街與南城交界北至
城根二鋪東至城根南至廣渠門大街西至崇文門
大街與南城界北至上四條衚衕三鋪東至廣渠門
口南至萬柳堂西至瓜市與南城界北至東河漕四
鋪東至廣渠門北至麻繩市西至 天壇與南
城界南至右安門 案會典東城分七鋪與今制異
崇文門東夾道 井一
東城根井一

坊巷衚衕集崇北坊在新城廣渠門東北角崇文門外東河沿往東至都城東北角七牌三十七鋪有天仙廟崇恩觀臥雲庵無量庵崇恩寺臥佛寺增福廟白雲寺積穀寺萬福寺案無量庵崇恩寺積穀寺今無考餘見後人海記崇文門東南有淨度寺元張中丞養浩作其子雁奴壙銘有云權厝文明門外淨度寺之南原寺蓋元時有之矣宸垣識略水木清華亭元侍御史王儼別業在文明門外東南里許園池構築甲諸邸第許有壬記云北瞻闔閣五雲杳靄西望舳艫汎汎於煙波

浩渺雲樹參差之間虞道園有詩案淨度寺水木清華亭遺址皆無考核其地望當與今花兒市街相近姑附此

上中下河沿井二

有聖泉寺

上頭條衚衕井一

上二條衚衕

有薊州試館

上三條衚衕井一

步軍統領所屬東營守備署在北有天仙廟五聖

祠

洪北江年譜乾隆庚戌抵都居仲弟海岱門三條

衚衕寓齋

上四條衚衕 井四

崇恩寺本名崇恩福元寺元刹也又有臥雲庵東

口小衚衕曰曹家店通花兒市曰穿心店曰鐘兒

衚衕曰西鐘兒衚衕

元一統志遂初亭在施仁門北崇恩福元寺西門

西街北舊隆禧院正廳後乃張子有平章別墅也

明一統志遂初堂在府南元詹事張九思別業

北也 道園學古錄張九思墓志治園於南門外作

堂曰遂初花木水石之勝甲于京師 案施仁門

中 金都城東北門也元築新城後以遼金故城為南

城其遺址在今外城西南隅遂初亭隆禧院皆與

崇恩寺相近今不可考矣趙孟頫松雪齋集王惲

秋澗集均有宴遂初亭詩

南北火扇衚衕 井一

小衚衕曰水店衚衕

北羊肉口

中頭條衚衕 井一

有白衣禪林火神廟

中二條衚衕

中三條衕井一

有觀音庵

藤陰雜記崇文門外三條衕有查氏園施培叔

朝幹賃住時頻訪林木蔥蒨池館清幽後無京官

居住恐鞠為茂草久矣

中四條衕井一

有關帝廟壽佛寺無量庵

北小市口

有關帝廟

下頭條衕井一

有關帝廟三元寺

下二條衕井二

有彌陀庵

下三條衕井一

有觀音庵

下四條衕井一

南夾道井一

戶部拉口井一或訛

京師坊巷志卷七

三三求恕齋

下下頭條衚衕

狗尾衕衕

下下二條衕衕

有藥王廟

下下三條衕衕

下下四條衕衕 井一

東便門大街 井一

有橋曰便門橋護城河徑橋下迤東北出水關入通
惠河普陀寺在橋北太平宮在橋南俗稱蟠桃宮道
觀也明建有吳達禮碑歲三月朔至三日有廟市又

有關帝廟觀音庵

萬厯沈志普陀寺金山寺在崇北坊俱有敕建碑

案金山寺久廢 宸垣識略觀音庵舊名雲深

處康熙閒建室宇精雅傳為宦家別業所改

河坻下

右在崇文門街東東便門南花兒市街北其西

與南城界

花兒市大街

東城正指揮署在北有花兒市汛火神廟明隆慶二
年建有李琦崔應階二碑旬四日有市竈君廟明建

有孫岳馮雲驢二碑歲八月朔至三日有廟市又有
回人禮拜寺

張祥河小重山房集有花兒市歌

鐵轆轤耙 井一

有崇興寺觀音庵迤東曰板橋

史家衚衕 井一

東南里許有隆安寺土人傳云唐刹也宸垣識略
謂殿前二柏乃四五百年物為元刹無疑井二西
有三官廟迤西曰白橋井一西南半里許為臥佛
寺一名妙音寺井一又有忠義觀 孫廷銓有隆

安寺訪山曉上人時自天童應召入都詩

四棵樹衚衕

牛角灣

有土地祠財神廟即坊巷集之增福寺迤東曰余
家營

上堂子衚衕 井一

有關帝廟

旋馬上灣

雷家衚衕

南小市口 井五

有地藏庵迤北曰中小市

下堂子衙衙

上寶慶衙衙 井二

棗子營

有寶慶寺

下寶慶衙衙

上饒刀衙衙 井一

下饒刀衙衙

炕兒衙衙

有白雲寺

上鍋腔衙衙 井二

有觀音庵

下鍋腔衙衙 井一

有觀音庵迤東曰四川營有三清觀法域寺天龍

寺明萬厯間建金華會館也今為義園

南羊肉口

樓灣 井一

有三聖庵觀音堂

東河漕 井二

東城吏目署在北有大慈庵

北河漕

朱家營 井一

舊聞考作東瀝營有萬福寺井一

手怕衚衕 井三

倉場總督署在北有齊魯會館

寶子衕衕

有九泉積善寺

櫻子衕衕

有觀音庵有延邵會館

井兒衕衕 井一

汪太醫衕衕 井一

小衕衕曰扁擔衕衕有福喜庵

抽分廠 井一

步軍統領所屬中營參將署在焉有五聖禪林

右在崇文門街東花兒市街南廣渠門街北其

西與南城界

廣渠門大街

卽南大街俗稱沙窩門大街迤西直崇文門街者曰

纜竿市俗稱闌干市井一迤東曰麻繩市曰米市曰

柴市又東曰大石橋曰斜橋橋各一自纜竿市以東

當城未築時皆三里河所經也又東曰元寶市井二
城根井二迤南菜園井五

石鼓齋雜錄李爽棠大興人歷官少宗伯其父方
懋世居沙窩門久困諸生著說部六百餘卷名曰
雅蒼魏柏鄉稱爲光怪陸離今不獨書不多得并
沙窩門故第亦莫可考 坊巷衚衕集崇南坊在
新城廣渠門左安門東南角七牌三十三鋪有地
藏寺法藏寺妙音寺寶應寺崇教寺安化寺吉祥
寺 萬厯沈志大悲寺在崇南坊有敕建碑 案
舊聞考地藏寺法藏寺妙音寺俱存餘無考今法

藏寺塔尙修整地藏寺街名存而寺廢矣妙音寺
亦廢安化寺見後

鑪聖庵

井一

庵爲山西冶工所建明刹也有孫嘉淦戴章甫二
碑旁爲潞安會館又有彌勒庵

石板衚衕

東西馬尾衚衕

俗稱馬尾帽東衚衕井一

地藏寺街

井一

東西利市營

京師坊巷志卷七

二十六 求恕齋

東利市營井一有關帝廟

管家樓

標杆衙衙

鐵香鑪井一

舊有山右宣城嘉應諸會館

黃河沿

三轉橋井一
無橋

華嚴寺俗名槐寺金天會五年經幢稱其地為魏

村社大市莊少西景福寺舊名石佛寺有明正德

閱費弘陳天祥二碑

半日下舊聞張爵紀五城坊巷崇南坊有南河漕于

家灣遞運所纜竿市又有三轉橋紀家橋板橋雙

馬莊八里莊十里河皆三里河入張家灣故道今

其名雖存而深谷為陵遺蹟漸不可考矣 案于

家灣遞運所今並無是名

半步街俗稱唐
四寶街

局章衙衙井一

八聖廟井一

有南極觀迤南曰放生池寺旁井四曰四眼井井

八

池北偶談沙窩門有放生池順治中浙人范思敬實勸始焉

廳兒衚衕 井一

關王廟街

翁氏家事紀略乾隆十四年隨外祖張公遷居於崇文門外關王廟街之東口內

井兒衚衕 井一

南河漕 井三

拐棒衚衕

半壁街 井一

迤南里許曰法華寺又南曰四塊玉東南曰五虎廟明刹也五或訛石

宸垣識略五虎廟殿前古松二株二百餘年物也寺僧云昔時壕關張趙馬黃西蜀五將得名後燬於火今前殿祇奉關帝而五虎之名仍舊

趙家莊

迤東曰魏家口曰紀家橋

霍家橋 井二

法藏寺俗稱白塔寺金之彌陀寺也西有太陽宮順治初建道流居之迤南里許有三義廟井三又

南曰呂家窰井二曰潘家窰

藍旗小營房

大營房

順治十八年改設正藍旗教場於此見八旗通志
中有頭條二條三條四條衢街

南岡子頭

華嚴寺雲集觀康熙時建後有斗姥閣今改名玉
清觀又有文昌宮

左安門大街

左安門俗稱江擦門街左右互四五里皆曠地也義

園外多蔬圃城根菜園井十一

火神廟街

廟建自明成化間有建昌侯張延齡碑又有延慶
寺

米市口

亦名細米廠頭條衢街

細米廠

迤東曰八條院

板廠井一

有雙龍庵

興隆街 井一

有關帝廟隆興庵彌勒庵福寧禪林明天順間建
有工部主事翁洪碑東爲安化寺明天順八年賜
額有景泰間三衢釋大善弘治間光祿卿張天駿
二碑井二少南曰南臺寺康熙間重建井一迤東
曰義學雍正時韓城寧永祿始有莊存與朱珪
二碑其旁曠地曰楊家馬圈陳家馬圈劉家馬圈
高家馬圈張家馬圈井一迤南里許爲育嬰堂康
熙時建有 世宗賜額少西曰夕照寺雍正
間文覺禪師元信嘗退居於此殿壁左爲王安昆

書高松賦右爲陳壽山畫松井一又南里許曰萬
柳堂今爲拈花禪寺

萬麻沈志安化寺在崇南坊有敕建碑 宸垣識
略東南寺院多停旅櫬故舊趾重新頗爲弘敞夕
照南臺其最著者魏之琇過夕照寺詩鐘磬不聞
林鳥寂鮑家詩唱古先生 京畿古蹟考萬柳堂
在廣渠門內爲 國朝大學士益都馮溥別業康
熙時開博學鴻詞科待詔者嘗雅集於此 藤陰
雜記益都相國馮文毅仿廉孟子萬柳堂遺制旣
建育嬰會於夕照寺傍買隙地種柳萬株亦名萬

柳堂毛西河喬石林作賦陳其年序朱竹垞記
西河詩話王戍上巳益都夫子率門下士二十二
人修禊萬柳堂首唱二詩有水萍風約故沿留句
似有寄及闕和詩每遇是韻輒沈吟良久最後至
潘稼堂耒東山身為草堂留拍案而起稱爲第一
蓋其年七月將致政歸也 藤陰雜記高念東珩
亦園記萬縷將披細柳知濃陰行埒蘇隄數尺自
出清泉是神力驅成香海是萬柳堂又名亦園春
興詩小築城隅柳滿隄綠雲低護草初齊亂飄柳
絮鋪新徑細數桃花過野溪是園卽萬柳堂王橫

雲和詩嚴存庵我斯有題亦園三律毛西河有亦
園修禊詩 案元廉希憲萬柳堂在今右安門外
與此異地 朱筠笥河詩集康熙中堂歸石氏時
邸貴欲得之石召工建大悲閣一夕成以家祠謝
乃已自此遂爲拈花寺 端木國瑚太鶴山人集
道光戊子七月五日胡竹村培翬祀鄭康成於萬
柳堂以是日康成生日也繪圖徵詩 案漫欲亭
集亦有詩 天咫偶聞京師園亭自 國初至今
未廢者其萬柳堂乎然正藉拈花寺而存耳此園
馮益都相國臨去贈與石都統天柱石後改爲拈

花寺當時詩人頗有譏之者而不知石之見甚遠
蓋自古園亭最難久立子孫不肖尺木不存今寺
中尚存 御書樓阮文達榜曰元萬柳堂以神識
體書之朱野雲爲之補柳作圖近寺僧頗知修葺
補栽花木甚盛余與恥庵暇輒往游於經廚搜得
查聲山學士昇手書二詩直幅云晚照秋光冷研
屏更無人處鶴梳翎獨留一徑蕭蕭葉童子關門
自理經坐愛紅欄映曲池風光留客去遲遲我來
祇少茶煙畔相對人如澹菊姿後署訪衲公和尚
不值留贈二絕查昇又得朱野雲萬柳堂圖蓋仿

松雪本邊綾上有阮文達翁覃谿二詩又有葉潤
臣覲儀宗梅岑稷臣聯句勸僧重裝今罩以玻璃
懸壁上矣然園地多艱實不宜柳野雲所補旣無
存潘文勤又種百株亦成枯枿惟池水清冷葦花
蕭瑟土山上有松六株尙是舊物

右在 天壇東廣渠門街南其西與西城
界

京師坊巷志卷七

Blank page with vertical lines for text.

京師坊巷志卷八

義烏朱一新同撰

江陰繆荃孫

吳興劉承幹重訂

外城南城

城冊外城地隄隸南城者正東坊第一鋪東至崇文門大街與東城界南至北官園南口西至新開路北口北至城根二鋪東至喜鵲衚衕東口南至平樂園草廠二條衚衕與中城界西至閭王廟前街蕭公堂與中城界北至巾帽衚衕東河沿城根三鋪東至崇文門大街與東城界南至石板衚衕與東城界西至



磁器口北至五老衚衕四鋪東至平樂園北口南至
三里河橋西至草廠七條衚衕南口北至北官園南
口五鋪東至火藥局與東城界南至何家莊與東城
界西至鞭子巷三條衚衕北至柳樹井六鋪東至鞭
子巷二條衚衕南至
天壇西至永定門大街
與中城界北至三里河大街與中城界

崇文門外大街

俗稱哈噠門大街跨護城河有橋曰崇文門橋街東
隸東城崇文門稅務署在焉有鎮海寺有山東會館
查浦詩鈔雜詠詩九門征課一門專馬跡車塵互

接連內使自收花擔稅朝朝插鬢掠雙錢

崇文門西夾道

後河沿

卽東河沿見中城井二

打磨廠

井二

南城吏目署在北有玉皇廟關帝廟有粵東潮郡
臨汾寧浦應山鍾祥諸會館舊有郢中會館今廢
鐵柱宮本名靈佑宮明嘉靖閒建祀許旌陽真人
蕭公堂明萬厯閒建祀鄱陽湖神蕭公均江西公
所堂以西隸中城

魏貞庵年譜時有打磨廠菜園圈占公肩輿行南城察院公署有百姓數百號泣云廠南菜園空地住有千家今大興縣票傳奉戶部堂牌云係嘉蔬署官地百姓無棲公曰勿唬爲爾請命也卽具疏以聞 上欣然從之免圈至今 洪北江年譜乾隆乙亥開 四庫館座師董公誥爲總裁屬總校江寧孫舍人浴延先生至打磨廠寓齋總司其事王崇簡青箱堂集打磨廠金忠潔公鉉故居馬氏日鈔正統己巳春打磨廠西軍人王勝家井中有五色氣

喜鵲衚衕

有楊氏園近設電報商局於此

打狗巷

巾帽衚衕 井一

粉綫衚衕

蓮子衚衕

送姑娘衚衕

清風營

臭水塘

東豆腐巷衚衕

翟家口

三川柳

小衚衕曰鴨子店

打雀衚衕

板井衚衕

細米巷

北官園

舊有介休會館 案明桂萼疏言三里河附近勢
家莊園成化閒楊茂嘗議修濬竟阻不行吳長元
謂今草場衚衕東有平樂園南北官園賈家花園

等名皆昔時園亭遺址也

新開路

有常山曲沃安陸諸會館

賈家花園

藤陰雜記陳澤州三晉會館記尙書賈公治第崇
文門外東偏作客舍以館曲沃人曰喬山書院又
割宅南爲三晉會館

右在深溝口東崇文門街西興隆街北其東與
東城界西與中城界

興隆街 井一

有準提庵

章學誠任幼植別傳乙巳之冬余在保定暫至京師館同年潘編修庭筠家時潘居興隆寺街與君居衡宇相望談晏流連互為主客

大溝沽

八角衚衕

草廠頭條衚衕

有歸德廣州興國麻城諸會館

二條衚衕

有邵武黃岡臨江應城諸會館

三條衚衕

有南陵臨江太平諸會館

四條衚衕

天開閣集甲申賤者傳顧懿北京蘆草園四條衚衕妓也賊破城掠去一日乘賊醉解已繫紅絲帶縊死即自縊縊不得即死他賊至執之見巨賊劉宗敏宗敏曰妓何如此顧氏曰本不過妓只是見京師忽然改變不見舊時朝廷甚憤不能平故死耳又問欲死死耳何殺我人曰實欲取快不思後矣宗敏怒命支解之

京師坊巷志卷八

五求恕齋

案蘆草園無四條衚衕當是草廠四條衚衕與蘆草園相

近

五條衚衕

有寶慶仙谿黃梅諸會館

六條衚衕

上下七條衚衕

有孝感南安袁州惠州諸會館

八條衚衕

有辰沅漢陽會館

九條衚衕

有蘄州會館

十條衚衕

有上湖南湘潭長沙湘鄉京山諸會館

野獲編今京師全楚會館故江陵張相第也壯麗

不減王公然特分宜嚴相舊第四之一耳會館之

右一小房雖不及大第十之一然亦軒敞先人以

價廉僦居不意其有崇也遷寓不數月妖魔百出

時龍虎山真人在都面請手畫一符懸中堂鎮之

是夜魔投瓦石專投符上比明則糜爛無存先人

尋大病給假南旋此房為京師富人徐性善所得

重構華費以餽吏部侍郎徐檢庵侍郎先與先人

比鄰至是拓爲大第未久亦以白簡告歸不數年
性善坐他事籍沒此房亦爲官物矣

木廠衚衕

有天仙廟明隆慶閒道院也今爲寺

北五老衚衕 井一

有寧波會館

閻王廟前後街

前街有明教寺明成化年建有三晉宜黃雲夢諸

會館

南官園衚衕

有湘潭會館小衚衕曰小柵欄

薛家灣 井一

有關王廟有鄞縣會館

元真寺

平樂園

有荊州會館迤北曠地曰荷包廠

南五老衚衕

有嚴州會館

石虎衚衕 井一

有永壽寺

高家營或作苗家

香串衚衕

石板衚衕

殺豬營

茶食衚衕井一

右在崇文門大街西東柳樹井北蘆草園東東與東城界西與中城界

草市

亦稱柴火市井一迤南小衚衕曰六間房

半壁街

狗尾衚衕

刷子市

草帽店

馬糞菊

山澗口

小衚衕曰老虎洞

過街樓

精忠廟

廟祀岳忠武康熙時建有大學士劉統勳碑
藤陰雜記金魚池西精忠廟自靈佑宮燈市罷後

廟設煙火人競往觀土塑秦檜以煤炭燔之至盡
名曰燒秦檜蓋仿火判之製也 案廟有鐵鑄秦
檜夫婦像跪門外旁有喜神廟伶人所祀也有龔
鼎孳劉躍雲二碑

新房口

紫竹林

俗稱擔子市舊有趙城孟縣會館今廢小衚衕曰
五閒房

褲襖衚衕

溝沿

新店 井一

估衣市

亦稱東小市或稱南小市小橋二乾隆初步軍統
領所屬南營東南一守備署在此後省有慈谿山
西會館舊有蘭溪會館今廢迤北小衚衕曰獅子
館

宸垣識略東小市在半壁街南隙地十餘畝每日
寅卯二時貨舊物者萃焉惟估衣最多中有慈谿
會館每科舉之期直隸學政錄取遺才於此 案今在順
天學政署 帝京景物略三里河故道已成陸矣時雨

則停潦泱泱然河也武清侯李公疏之入園中園
遂以水勝可汎舟周廊過亭其東梅花亭砌亭爲
瓣五鏤爲門爲窗繪爲壁鰲爲池范爲器皆以梅
又有漚臺鳧樓船橋魚龍亭諸勝 案李園今無
考吳長元謂東小市有平橋渠水傳是故家園地
疑卽其遺阯然考吳維英游園泛舟詩云背城特
地又新莊村店青帘帶夕陽劉同升李園小集詩
云小橋行過柳谿灣出郭已知依綠水其地當在
今東城外三里河故道徑城外八里莊等處直抵
張家灣固不得以城中園之園爲武清侯李偉所

築已在嘉靖築新城之後吳劉詩中所云出郭背
城者亦不得以內城當之舊聞旣已誤錄吳氏之
說則更無確據也

疊道衙衙

東有關帝廟明隆慶鼎一

蘇家坡

井一

有金華會館南小衙衙曰新衙衙

溝沿

臥牛衙衙

金魚衙衙

安國寺中街

安國寺碑已毀其東有普賢禪林比北尼居之西
有關帝廟明隆慶鼎一

南橋灣

鞭子巷頭條衚衕

二條衚衕

南小衚衕曰孀子衚衕

三條衚衕

四條衚衕 井一

有山西會館

東小市

橋一小橋二其東北亦稱黑市

鐵香鑪

舊有山右宣城海昌正定嘉應諸會館今多廢

金臺書院夾道

金臺書院順天府課士處東有永濟橋乾隆四十
七年重修有碑

翁氏家事紀略金臺書院本首善義學乾隆初何
子山先生掌教始名之曰首善書院祀鄉南皋馮
少墟兩先生於後堂設二木主後改今名 藤陰

雜記金臺書院蓋仿首善遺意董於京兆尹 葉
名澧橋西雜記洪莊者文襄公承疇 賜園也康
熙庚辰錢大京兆晉錫設大宛二義學宛平寄長
椿寺大興僦屋於洪莊後宛平之學并歸大興延
王源主其事從游日眾京兆欲市莊內隙地構堂
文襄孫奕沔不可乃上疏託言奕沔願割地以建
學 聖祖嘉其請書廣育羣材額以賜奕沔
聞之大驚而無可如何王源爲之記乾隆十五年
改名金臺書院

小橋南

南有金魚池橋二其北有水道抵大街蓋三里河
故道也東有慈源寺成化二年指揮朱善建行國
錄云有正統初太常少卿括蒼潘辰碑今已泐惟
康熙閒大學士衛周祚碑尙可讀迤東數百武有
姚斌關王廟元崇恩萬壽宮遺址又有天慶寺迤
北有真武廟海潮寺今皆圯

明一統志魚藻池在宣武門外西南燕京城內金
時所鑿池上舊有瑤池殿 帝京景物略殿址今
不可尋池泓然也居人界地爲塘柳垂覆之歲種
金魚以爲業池陰一帶園亭多於人家南抵天壇

一望空闊歲午日走馬於此蓋金元躡柳遺意也
躡柳今名射柳 案園亭今無存者惟種魚走馬
俗尙猶然朱筠金魚池賦序言池廣數十畝分百
餘池 燕石集天慶寺僧舍有雅致亭 孫承澤
天府廣記元天慶寺遼永泰寺也成化二年飭右
指揮朱善重修 春明夢餘錄寺後有高閣可望
天壇僧舍有李龍眠畫羅漢十六軸 案雅致亭
羅漢像今已無存孫承澤言天慶卽遼之永泰考
元王恽撰寺碑略云永泰寺肇基自遼彌陀者永
泰之別院也至元乙酉重建是院闕地得廢鐘刻

天慶二字卽以名額據此則天慶爲永泰別院也
又明蹇英修寺碑謂三里河之濱地名魏村社幽
曠闐寂林木叢茂今社名亦湮沒矣 行國錄圓
覺寺在魏村社明景泰中建有嘉靖四十二年重
修碑雲南道御史趙鏜撰文 舊聞考寺在三里
河橋東已廢其地猶仍寺名 明一統志金井在
府南魏村社永樂閒嘗駐蹕於此飲而甘之遂命
贛焉 案魏村社地甚廣北瀕三里河南抵左安
門外韋公莊皆是也羅城築後半限城外遂漸湮
矣

後池

藥王廟街 井一

藥王廟湖望有廟市

六街花事藥王廟有花市

神路街二條衚衕

明因寺街

明因寺舊為三聖寺寺有貫休畫十六阿羅漢像

景物略云贗本也

清化寺街

南城正指揮署在南清化寺故保安寺基也萬厯

沈志寺在正東坊有敕建碑

洪北江年譜乾隆五十五年秋與仲弟移寓三里

河清化寺街饒有竹木之勝查給事瑩舊宅也

案明程敏政篁墩集有宿清化寺詩

磁器口 井一

舊有蘄州會館

紅橋 井一

彌陀寺溝

何家莊

牟家園 井一

迤南有正白旗及五旗火藥廠

豬頭衚衕

三里河大街

卽南大街三里河有橋曰三里河橋橋西隸中城東隸南城井一有三官廟迤東爲東柳樹井井一又東爲蒜市井一瓜市井一南有泰山行宮祀碧霞元君明天順閒建徐富庶姜逢元二碑北有雙關帝廟迤西有鐵山寺屬中城舊有南泉寺有徽州會館

藤陰雜記朱竹垞康熙戊午入都舍於三里河橋之南泉寺與李武曾同寓撰惜字林記見竹垞年

譜今圮互詳中城 宸垣識略三官廟羽士居之

雙槐甚古 錢儀吉衍石齋紀事稿杭大宗蒜市

雜記序蒜市在京師海岱門南二里

右在永定門大街東東珠市大街南 天

壇北東與東城界西北與中城界

外城西城

城冊外城地隄隸西城者宣南坊第一鋪東至宣武門街之西與北城界南至廣寧門街夾道居西至老牆根柴廠北至宣武門西城根二鋪東至菜市口與北城界南至廣寧門街之北西至廣寧門街韋馱庵

北至宣武門西城根三鋪東至半截衚衕與北城界
南至白帽衚衕西至牛街北至廣寧門街之南四鋪
東至牛街南至棗林街西至廣寧門南城根北至廣
寧門街之南五鋪東至小川淀迤南至姚家院與北
城界南至右安門城根西至廣寧門南城根北至南
橫街大川淀之北六鋪東至土地廟斜街南至廣寧
門街韋馱庵西至西便門北至宣武門城根七鋪東
至寶家院南至廣寧門街西至廣寧門北至城根
宣武門外大街

俗稱順承門大街街東屬北城西屬西城跨護城河

有橋曰宣武門橋井三有全福會館井一又直隸關
中翼城天門歙縣韓城靈石咸長善化永濟南通州
諸會館舊有四川永豐建昌撫臨諸會館今廢西小
衚衕曰花枝衚衕曰堂子衚衕東小衚衕曰球子巷
屬北城有太倉會館 欽定臺規長蘆巡鹽御史公
署向在宣武門外御史每歲一巡視直隸山東河南
鹽務仍回京在署理鹽政康熙七年移駐天津

香祖筆記韓宗伯葵所居與胡侍講任輿爲鄰韓
逝未浹月胡亦卒 藤陰雜記宣武門街右爲陳
少宗伯邦彥第堂曰春輝屋有藤花文簡丙午自

粵還朝見花盛放賦詩今屋歸全浙會館藤花尙
盛又龔芝麓尙書寓宣武門左有香巖齋海內文
人延致門下歲暮各贈炭資又吳少司空應棻寓
順承門街東井書屋常以秋日召客名曰秋盤酒
具曰犀槎張太史映斗有犀槎歌又得墨紗蕉幅
張之齋牖因名蕉窗賦詩後歸紀太僕復享費學
士南英今屋已成墟東井亦枯 曝書亭集汪蛟
門懋麟僦寓宣武門之右窮巷蕭然餽炊不繼久
病夢入廣庭得石硯十二枚寤而作歌因名其齋
全祖望結埼亭集雍正癸丑予春試報罷束裝

欲歸前侍郎臨川李公固留予應制科其時侍郎
居宣武門南故合肥李相國邸也西有紫藤軒割
以居萬公孺廬又割其東以居予 潛研堂集自
珠巢街移居宣武門外題壁真似山僧慣打包桑
根三宿等閒拋勞如車軸無停轉拙比林鳩未定
巢市近米鹽喧耳畔客疏塵土積堂坳年來學得
安心訣容膝三閒卽樂郊 析津志窮漢市一在
順承門南街邊柴炭市果市俱順承門外 案柴
炭市今尙有之在菜市西 坊巷衚衕集宣北坊
在新城廣寧門裏宣武門迤東響鬧迤西至都城

西南角便門西北角七牌四十五鋪有海波寺永光寺永興寺圓通寺玉虛觀接待寺竹林寺老君堂報國寺紫金寺昊天寺善果寺歸義寺弘法寺舊聞考弘法寺無考惟憫忠寺遼時石匣上有提點弘法竹林之名似遼時已有之案曰下舊聞引金國文具錄云祕書省今在燕弘法寺析津志寺在舊城金大定十八年潞州崔進之女法珍印經一藏進於朝命聖安寺設壇爲法珍受戒爲比正尼二十三年賜紫衣弘教大師有明昌四年趙渢碑党懷英篆額蓋卽此寺也海波以下四寺

今改隸北城餘俱見後明楊士聰玉堂薈記崇禎丁丑九月車駕闕城總督京營成國公朱純臣協理陸完學以營兵屯宣武門外上臨視大加稱獎於西南城樓召二人各賜以酒三金碗便以碗賜之元劉崧槎翁集順承門送別詩送客出城秋已涼太行南上楚天長順承門外斜陽裏蕎麥花開似故鄉

上斜街井一

靈官廟井一關帝廟有三其在東者俗稱頭廟井一北有山右三忠祠明天啟四年敕建祀張銓高邦佐

何廷樾等乾隆間重修有朱筠碑記今爲山西會館
又有中州鄉祠番禺會館街北臨護城河有響關明
正統閒待講劉球請於宣武門西作減水河此其故
蹟也踰河爲宣武門外西城根橋一內城溝沿水出
水關後徑橋下入護城河

藤陰雜記宣武門外河名銀灣王文安鐸所題孫
松坪中秋詩碧漲銀灣類影娥池北偶談明時
六月十二日御殿洗馬於積水潭導以紅仗今三
伏日洗象亦導以紅仗在宣武門外響水關上
案漁洋集有洗象行又有竹枝詞玉水輕陰夾綠

槐香車筍轎錦成堆千錢更賃樓窗坐都爲河邊
洗象來曝書亭集喬侍讀萊嘗闢一峰草堂於
宣武門斜街之南暇與布衣紉履之士詩篇酬和
查慎行酒人集自注己巳寓居上斜街與孫愷
似致彌近僅一垣又槐篠集小序去宣武門西半
里有陋室十餘閒從馬上望見老槐二樹亭亭出
屋遂僦居焉有移居詩二十韻又有周桐野王
樓村過槐篠看菊留飲詩老瓦盆中花十本上槐
街裏屋三間藤陰雜記朱竹垞曹贊善鑑倫移
居詩後園虛閣壓城壕濺瀑跳珠牖口牢正好憑

關看洗象玉河新水一時高今洗象在宣武門西
河內其居必是上斜街 又查他山同園看花詩
結鄰真喜近斜街步履尋春又一回五日重來光
景換早花零落晚花開復有同園修禊詩今無考
矣 徐司寇乾學集有飲李將軍園亭詩宣武門
西別業幽羣公載酒共銷憂今亦無考 又顧俠
君嗣立家吳中有秀野堂京寓宣武門壕上背郭
環流雜蒔花葯查查浦顏曰小秀野並繫以詩俠
君自題云數間小屋傍城西紙閣屏風新品題堪
笑生涯同燕子春深到處好添泥草堂春柳正鬢

髻芍藥紅蘭漸著花生怕夢歸難識路卻教移得
到京華壕上今上斜街寓址莫考余賃官廨七年
藤蘿成陰丁香花放滿院濃香不得已而遷去賦
留別詩 案汪沆槐廬詩話顧俠君入都寓宣武
門三忠祠內小屋數椽顏曰小秀野自題二絕句
一時名流和者甚眾又道光時平定張穆嘗屬祁
文端篤藻補題小秀野三字懸之祠偏老屋事見
穆所編閻潛正年譜 縵齋亭集有題小秀野圖
詩自注圖爲康熙三十五年禹鴻臚之鼎所作圖
首竹垞分書小秀野題詩者十九人又云魏坤水

村第二圖新城秀水皆有題詩 聞過齋集有題
顧晴芬同年水竹柴門圖有尊酒比鄰嘗款洽家
山咫尺待徜徉小注余客歲居上斜街與君居相
接 洪頤煊孔子三朝記自序嘉慶十六年六月
書於京師上斜街寓齋

炸子橋

松筠庵在南楊忠愍繼盛故宅也西偏爲諫草堂
又有接待寺朝慶庵有河南會館顏曰嵩雲草堂
嘯亭雜錄松鶴庵在宣武門外響闢乾隆丁未胡
司寇季堂會諸僚友醱金立祠繪公像及同事諸

公神位有古槐一株忠愍手植 池北偶談康熙

庚申高念東侍郎珩以老病得請移居松雲禪舍

馮益都溥過之流連竟日高賦詩云戶倚雙藤梵

宇開無人知是相公來相看一笑忘朝市風味依

然兩秀才馮有荅詩予和之 案偶談筠作雲蠶尾
續集仍作筠嘯亭續

錄作鶴
誤也

教場口井一

迤北曰駱駝灣迤西曰轆轤耙井一

將軍教場衎衎

潛研堂集壬午冬移寓詩玉虛道院南鄰近時有

天風度碧笙自注陶晚聞阮裴園沈欽伯諸前輩
俱曾寓此又過將軍教場舊寓庭前槐大半已枯
感賦詩廿六年前做此塵槐陰如繖一庭圓
教場上下頭條衚衕

有雲南山左宜荆永新諸會館

陶彙薌先生故居在頭條衕衕有紅豆樹館 萬
德化冢宰邸第在頭條衕衕對門築咫村林樹陰
森屋宇雅潔冢宰公事畢輒偃息於此

下二條衕衕

有貴州會館

上下三條衕衕

有川西廣西會館

上下四條衕衕

顧嗣立自訂年譜康熙五十一年四月寓教場四
條衕衕屋後有閣可眺西山因屬同年林吉人顏
之曰晚翠查夏重賦詩云朝爽不名名晚翠間官
何似似高僧有晚翠閣唱和詩

芝蔴街

巷西井一有蘇文忠公祠爲四川公所

劉嗣緒尙綱堂集偕琴南移寓芝蔴街地有花園

閒曠特甚

教場五條衢衢井二

有仙游蒲城涇陽温州諸會館

小五條衢衢

炭鑿庫

教場六條衢衢

南北井各一有貴州會館

七條衢衢

皮庫營

有太原四川會館 案太原館東偏有閣若璩祠

自報國寺徙此

金井衢衢

老牆根井二

工部所屬惜薪廠在北俗訛七星廠舊設監督今改隸內務府營造司廠後井一迤南曰蔥廠井一迤西抵下斜街回子營舊有藍旗營分居於北今廢

司家阮司或作史井三

有菜園井一

廣慧寺夾道

廣慧寺慧今作惠

車子營 井三

有黃梅會館北小衙衙曰三合店井一

柿子店 柿或訛
獅井二

迤北曰趙家園

罐兒衙衙

北有小石橋一又西曰過街溝曰瓜市

玉虛觀

地以觀名比正尼居之

元一統志玉虛觀在仙露坊 元史文宗紀天厯

二年十一月命道士建醮於玉虛天寶大一萬壽

四宮 明胡濙玉虛觀碑記觀自昔奉佑聖之所

歲久爲風雨所壞遺址爲錦衣千戶呂儀別墅正

統丁巳秋呂偕法師吳元真處士劉泰游其地泰

年老能言其舊蹟法師欲復之呂慨然捨其地總

戎石亨弟石貴捐貲以建 案析津日記疑玉虛

觀卽玉虛宮考析津志玉虛宮在析津府都總管

署西元李菱玉虛宮詞有金水河邊蓮欲花之語

則地當在今德勝門內與玉虛觀無涉也元一統

志言觀中有梁忠烈王宗弼祠今遺址不可問矣

四眼井 井一

祁舊藻履執亭集自園還城詩斜街老屋孰爲鄰
井冽泉甘意倍親東海到今誇戚里西山隨我入
城闈退朝且喜寒窗共送客無端別緒新借取圍
鑪好時節天寒還待欲歸人自注城居下斜街四
眼井舊題曰東海戚里 何紹基東洲草堂集壽
陽相國招集慈仁寺出長夏勘書圖命題詩草堂
小秀野花市下斜街涼院雙藤合奇書萬軸排雲
煙看世事風雨記吾齋難得清尊滿論詩四叟偕
自注壽陽相國所居四眼井屋先文安曾寓此今

日客屋卽余讀書處也首二句公昔年自占語屬
余篆書懸壁閒

下斜街

亦稱槐樹斜街俗稱土地廟斜街井一毛廠井二廠
西南菜園井三都土地廟在西坊巷衎衎集之老君
堂也廟前井一旬三日有廟市少北爲長椿寺又有
畿輔先哲祠全浙會館迤北曰興隆街迤西曰寶家
院俗訛鬪雞院又西曰黃土院井一

人海記槐樹斜街舊時古樹夾路今每月逢三日
爲市集槐亦僅有存者 馮勛六街花事豐臺種

花人都中目爲花兒匠每月初三十三二十三
日以車載雜花至槐樹斜街市之 橋西雜記自首
善書院廢七八十年京師無復立有書院康熙庚
辰錢京兆晉錫設大宛二義學宛平寄宣武門外
長椿寺大興僦屋於洪莊 張怡謏聞續筆長椿
寺孝慈皇后建以居水齋禪師其大弟子爲神廟
替僧賜千佛衣及姑絨衣各八百件米麥等物動
千石有二庫監以二中官專貯三宮布施金錢
王士禎居易錄予過長椿寺見慈聖李太后及田
妃像皆白皙豐美田像有怨容 案周在浚燕舟

客話但言寺藏像二一爲明神宗母李太后一爲
烈皇生母劉太后未聞有妃像也徐嘉炎亦有展
田妃像詩云先攜茂陵盃後傍鼎湖弓然考舊聞
考言今止存其一無九蓮菩薩字亦無崇禎年標
題與燕舟客話所記又異豈王氏徐氏所見卽此
歟蔣士銓有詩專詠李太后似未深考 藤陰雜
記寄園爲高陽李文勤公別墅其西墅又名李園
狄立人億於此設宴見姜西溟詩其後歸趙恆夫
給諫吉士改名寄園沈心齋胡南荅查他山皆有
詩給諫休寧人子占浙籍中式被劾謫助教久住

京師以園捐作全浙會館孫宮允人龍記稱爲明
冉駙馬月張園故址後捐作會館浙人建景賢祠
以祀張匠門大受有同顧俠君王玉衡上巳載酒
月張園詩玉樓村有匠門邀過寄園小集詩是匠
門曾寓於此園有梨一株踰常味高陽居時嗜之
後艾司寇元徵徐漕帥旭齡及恆夫接住餽以爲
常癸亥梨大熟甲子高陽薨梨隨枯事見寄園寄
所寄 案館旁有紫藤精舍 端木國瑚太鶴山
人集住寄園精舍詩朝隱頻年未放還寄園今寄
我清閒看花西寺逢三市視草東垣隔八班官焙

茶香人短榻佛燈書味夜空山紫藤老惜生涯薄
每倚春風借酒顏自注中供觀音佛龕又有宣南
藤舍注易成夜坐詩吳錫麒亦常寓此見有正味
齋日記月張園見內城西城燕都游覽志載其地
甚明孫記所稱蓋傳聞之誤教子衲衲亦有寄園
遺址互詳後 曝書亭集自古藤書屋移寓槐市
斜街詩莎衫桐帽海樸屨隨分琴書占小齋老去
逢春心倍惜爲貪花市駐斜街屠門菜市費羸驂
地僻長稀過客談一事新來差勝舊昊天寺近井
泉甘 查慎行飲朱竹垞槐市斜街新寓詩槐街

舊與一峰鄰酒甕重開爲洗塵最愛今年春帶閨
遲來猶作看花人 藤陰雜記沈心齋閣學涵避
暑阮氏園亭用少陵游何將軍山林十首韻詩莓
苔行匝市紺宇聳雲霄自注園在長椿寺左今則
荒壟空地盡蓋官房阮氏未識何人 道古堂集
金文漳十五日復雪再過紅泉館呈董浦先生詩
先生招我飲羊羔滑澁斜街屐齒折三分著樹眼
乍明一尺平階路幾滅 吳興詩話戴潞復堂住
槐市斜街有石鼓齋 鮑桂星覺生詩鈔光粟園
聰諧移居有作和詩計日趁墟花滿市賣花聲裏

泮春冰注地有花市旬日一集 法梧門集下斜

街訪汪雲壑如洋詩萬里新持節三年暫啟樽斜

陽下山背春雪在城根書卷買無市 君寓與長椿市對門舊有

書佛花香到門相期借禪榻好句爲重論 吳嵩

梁香蘇山館詩家人將至移居下斜街作古寺清

游徧幽居此閉關春愁無著處獨夜不勝閒出谷

鶯聲暖營巢燕力孱杜鵑紅十里昨夢又京山

案集中簡比鄰同好詩爲錢金粟學士林顧南雅

編修純潘芸閣侍講錫恩謝向亭學士階樹諸人

詩中有移家同住寺門前句是諸人均寓斜街

吳清皋壺園詩憶昔曾夫子斜街有草堂指曾賓
谷也曹金籀蟬蛻集龔定盦招集項樸侶孫鏡
生朱二泉餞余寓齋詩引手親斟酒一尊良宵分
別悄無言明朝又是通州道夢繞京華宣武門注
定盦寓居宣武門外土地廟斜街元史劉秉忠
傳賜第奉先坊秋澗集真常真人李居壽召赴闕
下特旨於奉先坊搆太乙廣福萬壽中建齋壇繼
太保劉秉忠禋六丁神將案析津志言都土地
廟在奉先坊坊在南城清怡門明北平圖經則云
奉先坊在舊城通元門內通元金之北門也見大

金國志清怡當卽通元之別稱劉秉忠第及廣福
宮皆近今下斜街然無可考矣

長椿寺南夾道

龔鼎孳定山堂集清明同古古伯紫仲調兔牀諸
子登妙光閣詩二律自注閣爲善持君所建案
陳廷敬馮溥湯右曾陳維崧張大受徐嘉炎皆有
游妙光閣詩王士禛有與鄭山公登九蓮閣詩查
慎行有步入一莖庵登妙光閣詩過一莖庵飲香
林亭下詩自注亭爲合肥宗伯所葺蓋皆在長椿
寺後今盡圯惟妙光閣圯而復建爲浙人旅殯之

所其北浙江義園也

新開路

大小合道口

合或訛
火井二

迤西曠地井六廣西義園井一

大耳衚衕

井一

南接下斜街北抵城根居民寥落

孔雀衚衕

舊有孔雀寺故名今亦稱二廟衚衕關帝廟已頽
敝中祀三皇門額書古蹟軒轅關帝廟無碑碣可
考

筆管衚衕

井一

舊有法林寺金之竹林寺也今廢為菜園

舊聞考竹林寺在筆管衚衕宛平王志云在長營

金臺集竹林寺詩城南天尺五祇樹給孤園甲

第王侯去精藍帝釋尊老僧誇塔影稚子斲松根

何日天台路相從一問源自注竹林寺金熙宗駙

馬宮也寺僧云一塔無影 案寺建於遼道宗清

寧八年楚國大長公主捨第為寺見日下舊聞引

奉佛寺尊勝陀羅尼幢又明呂原法林寺記宣武

門西南二里有故址焉其先竹林禪寺也正統中

釋惠灝訪得其地景泰中司禮太監興覺滿等修之賜今額 趙子砥燕雲錄戊申三月劉彥宗搜索舉人赴燕山就試於竹林寺作試院南北同院異場引試二月十七日引試北人詩賦一場二十八日引試南人三場至三月二十七日開院北四百人取六分南六千人取五百七十一人彥宗云第一番進士須寬取誘之 西河詩話竹林寺旁有酒家名頂泉居酒名薊酒嘗騎馬詣益都相公第必造飲同官張毅文鴻烈往酤詩云竹林寺旁頂泉居井冽泉甘新醪餘 案益都謂馮溥也時

居下斜街今筆管衚衕寥寥數家土人幾不能舉其名何論酒肆惟竹林寺名猶著

東西長營

東南距下斜街里許井一廣西義園井一迤西曰蠅脖樹井一迤南曰悶葫蘆罐

范家衚衕

東距下斜街半里許有西晉會館

報國寺東西夾道

寺在廣寧門街北百餘武寺西偏有顧先生炎武祠井二

析津日記慈仁寺亦呼報國寺蓋先有報國寺在
寺之西北隅也僧院中尙存遼乾統三年尊勝陀
羅尼石幢 舊聞考今報國寺西北隅有寺無額
土人呼小報國寺遼幢今無之 程世楷排悶錄
慈仁寺本爲周太后弟吉祥建而寺有成化二年
御製碑止云爲太后祝釐不及吉祥蓋當時尙諱
言其事唐應德詩云同行更說前朝事繡蟒銀魚
有故僧至歸熙甫作記始詳言之春明夢餘錄引
蔣德璟記初入東廊憩禪悅庵少遲入寺後總聖
門兩旁名畫百二十軸皆天堂地獄變相僧云宮

內送至寺者登大毘盧閣三十六級閣外通廊環
行一周俯視西山若在襟袖 案毘盧閣自明以
來題詠甚夥嘉慶閒拆修 乾清宮今小閣三間
非其舊矣畫軸久佚惟傅雯指畫阿羅漢像寺僧
時出以示人 王士禎香祖筆記每月朔望及下
浣五日百貨集慈仁寺書攤只五六往閒有祕本
二十年來絕無之 池北偶談己亥於慈仁市上
見客氏拜三字敝刺朱克生以三錢得之賦客氏
行 人海記報國寺舊有矮松二株其右尤奇幹
長不過數尺而枝橫數丈人往往觴詠其旁自內

城隍廟市移於此每月三度爲繫馬之具數年
無復存矣 藤陰雜記廟市久廢前歲復興未幾
仍止蓋百貨全資城中大戶寺距城遠鮮有至者
國初諸大第宅皆在城西往游甚便自地震後
六十年來荒涼已極 案慈仁廟市 國初最盛
屢見名流篇詠六街花事言寺有花市今亦無之
雙松後竟輦入木廠見茶餘客話今所存僅孫枝
耳 居易錄戊戌觀政兵部寓慈仁寺梁曰繹熙
爲乙未同年本不相識時以咸寧令行取入都亦
寓寺中遂與定交 案漁洋蠶尾集有詢劉公馥

慈仁寺寓詩蓋體仁嘗寓此也高念東珩亦寓此
有詩 張穆顧亭林年譜康熙七年先生在都寓
慈仁寺聞萊州黃培詩獄牽連卽星馳赴鞫三月
下濟南府獄十月獄解得釋考李因篤受祺堂集
荅先生贈詩有云憶折前津柳同炊古寺羹自注
前年與先生同客慈仁寺予先別去蓋卽此年春
事也道光二十三年夏何太史紹基矧贊爲先生
建祠於寺西偏隙地一區架屋三楹几筵禮器悉
備歲春秋致饗祀焉 案何紹基顧祠詩云亭林
先生祠小子始營繕繫維城西偏慈仁森佛殿又

有春禊秋禊二圖見東洲草堂詞自注同治時復
祠閣潛正若璩於寺中今移皮庫營太原會館
曾文正年譜道光二十六年夏秋之交病肺熱僦
居報國寺閉門靜坐攜金壇段氏所注說文解字
一書以供披覽漢陽劉傳瑩精考據之學每從於
寺舍兀坐相對竟日 燕都游覽志槐樓在報國
寺左武清侯李偉別業置三層閣於上層級升之
碧梯赤欄隱見蒼霞碧露閒望之勝於登焉案今無考
藤陰雜記宋牧仲犖登毘盧閣飲樵沙道院詩
更從別巷訪樵沙道院幽幽愜微尙院似在西城

案敬業堂亦有詩樵沙古道院風氣清瀏瀏入
門樹干霄檜柏榆槐楸云云今遺址無考

善果寺東西夾道

西距北燕角少半里寺內井一菜園井六迤西勉善
堂井一善果寺歲以六月六日作齋有廟市寺之西
爲明璫塋地俗稱老公墳今尙存內官監劉成等四
碑

東舊有紫金寺宋遺刹也西有歸義寺唐遺刹也
皆久廢歸義寺之名猶著俗訛歸依北曰核桃園
潛研堂集游善果寺詩白紙坊前青豆房當年

賜額乞貂璫修廊搏換鬚眉古老榦支離柏檜涼
豐碣未磨禮部劄荒原誰認故侯牆山桃一樹開
旋落瞥眼春光有底忙自注東西廊塑五百羅漢
明孝宗時內官監太監姚訓所造又碑載四至東
至官路西至歸依寺南至慈仁牆北至太平侯牆
案太平侯第今無考歸義之訛歸依蓋自明已
然矣 人海記紫金寺寺門西向有嘉靖二十三
年尙寶卿河開李圻碑記 析津志歸義寺在舊
城時和坊舊聞考善果寺西半里許菜園中有窻
彌陀邑特建起院碑倚晴閣雜鈔謂其地卽歸義

寺以碑考之似別爲一寺而歸義寺乃其寺之北
至也又有遼幢二移置善果寺今僅存其一幢記
言建法幢於灑村之墳京東之墓考歸義寺近燕
角在遼都城東北隅此幢從他處移置非歸義寺
中舊物第灑村旣在京東要去歸義不遠蓋亦今
南城內之地 錢大昕過歸義廢寺詩一泓古井
兩株槐券尾比鄰署字皆輒燈模黏蕤碧蘚古幢
剝落臥空階老僧持鉢身全病過客尋碑眼獨揩
聽話聞坊宣化事剎那興廢漫牽懷自注寺有彌
陀邑特建起院碑載咸雍元年賣地券云今賣自

已在京宣化坊門裏面街西小巷子內空閒地內
有井一眼槐樹兩株未有東鄰南鄰西北鄰人姓
名又載寺所藏畫像大小硬幘九壇軟幘四壇云
云宣化坊當亦在元舊城中其名不見於元一統
志蓋遼時舊名也

西便門大街

井二

有華嚴庵迤東四川義園井一

藤陰雜記顧俠君嗣立寓有晚翠閣查他山詩云
依稀宣北坊西角鴻爪留泥我亦曾似在西便門
街今無存 元一統志大昊天寺在舊城寺建於

遼乾文閣侍制孟初撰妙行大師碑言道宗清寧
五年秦越大長公主捨棠陰坊第爲寺道宗施五
萬緡以助額與碑皆御書殿後建寶塔高二百尺
有神光飛繞如火輪清信施財者沓至又有咸雍
三年翰林學士王觀撰御筆寺碑王圻續文獻通
考大定二十四年二月大長公主降錢三百萬建
昊天寺給田百頃歲度僧尼十人中統三年十二
月作佛事於昊天寺七晝夜賜銀一萬五千兩
析津日記昊天寺塔址已爲居民所侵寺門一井
泉特清冽不減天壇夾道水也 案寺故基在西

便門街之西宋徽欽二帝曾會於此見燕雲錄元
郝經陵川集王惲秋澗集皆有登昊天寺寶嚴塔
詩王士禎有同施愚山陳藹公集王山史昊天寺
寓觀唐子華水仙圖詩又有東陳藹公於昊天寺
詩自注寺旁多古冢知寺在 國初尙未廢也今
徧爲菜圃遺蹟不可問矣 元一統志大開泰寺
在昊天寺西北寺之故基遼統軍鄴王宅也始於
樞密史魏王漢寧所置賜名聖壽聖宗開泰六年
改名開泰殿宇樓觀雄壯冠於全燕至金國又增
之後毀於兵獨存大殿壬子春海雲諸大老請雲

山珍公開堂演法遂爲此寺之五代祖憲宗彌加
崇重賜以金帛 遼史游幸表開泰八年十二月
幸開泰寺宴飲 興宗本紀重熙二十三年冬以
開泰寺鑄銀佛像曲赦在京囚 洪忠宣行狀永
祐陵諱聞皓北鄉泣血旦夕臨後遇諱日卽開泰
寺爲文以薦有云故宮爲禾黍改館徒饋於秦牢
新廟游衣冠招魂徒歌於楚些故臣讀之無不掩
涕 案寺在明時已廢據志言在昊天寺西北新
城築後其限於城外與否莫可考也

南中北興隆街

西城吏目署在南

染坊衚衕

前後觀音堂井一

北燕角

燕角鏡舊名也俗訛煙閣煙或作綫辨見後井四
迤東抵城根菜園井四土坯院井一四川義地井
五羅家園或稱四維園井二

寬街

西北距便門半里許鑲藍旗營房在焉順治十八
年改設該旗教場於此中有頭條二條三條四條

五條衚衕各分東西南北凡小衚衕二十僅存大
半矣迤東曰高八缸井一曰狗尾衚衕井一迤南
里許曰土坯院井一五聖庵井一居民不過兩三
家

右在宣武門街西廣寧門街北其東與北城界

京師坊巷志卷八

